

GJYKATA THEMELORE E MITROVICËS
P.nr. 933/2013

10 korrik 2014

NË EMËR TË POPULLIT

GJYKATA THEMELORE E MITROVICËS, në trupin gjykues të përbërë nga Gjyqtari i EULEX-it Nuno Manuel Ferreira de Madureira si Kryetar i trupit gjykues dhe Gjyqtaret e EULEX-it Roxana Marilena Comsa dhe Iva Niksic si anëtare të trupit gjykues, me pjesëmarrje të Zyrtares ligjore ndërkombëtare Vera Manuello si procesmbajtëse, në lëndën penale P.nr. 933/2013

Kundër

Ž. V., i biri i J. (babai) dhe M. (i vajzërisë J.), i lindur më _____ në M _____ dhe jeton në adresën _____ NN, i martuar, _____, _____ i papunësuar. Ai është arrestuar më 29 korrik 2013 dhe është mbajtur nën masën e paraburgimit nga data 28 shkurt 2014 deri më 20 qershor 2014; aktualisht nën masën e paraqitjes në stacion policor;

Akuzohet sipas Aktakuzës së Prokurorit shtetëror në Mitrovicë të datës 24 tetor 2013 për veprën penale të:

“Tentim vrasjes së rëndë” në kundërshtim me nenin 147 paragrafi (1.10) në lidhje me nenin 20 të Kodit Penal të Kosovës, UNMIK/REG/2003/25 (KPK);

Pasi janë mbajtur seancat kryesore, që të gjitha të hapur për publikun, më 06 maj, 03, 04, 09, 10, 11, 18, 19 qershor dhe 09 korrik 2014, në prani të të akuzuarit **Ž. V.** dhe avokatit të tij mbrojtës Nebojsa Vlajic, palëve të dëmtuara policit A. T. dhe policit F. S. (më 03 qershor 2014) dhe prokurorit shtetëror,

Pasi janë informuar palët më 09 korrik 2014 se Gjykata është e obliguar sipas kualifikimit ligjor të veprës penale siç përcaktohet me Aktakuzën e prokurorisë në përputhje me nenin 360 paragrafin (2) të KPP-së dhe se Gjykata mund që sipas detyrës zyrtare ta rikualifikojë veprën penale fillestare me një tjetër në bazë të fakteve që nuk përputhen plotësisht me ato të përshkruara në Aktakuzë por të cilat nuk përbëjnë ndryshim thelbësorë të rrethanave,

Pas informimit të mbrojtjes më 09 korrik 2014 për mundësinë e këtij rikualifikimi me kohë dhe për të drejtën e tij për të parashtruar çfarëdo vërejtje dhe për të paraqitur çfarëdo prove shtesë lidhur me këtë çështje,

Pas marrjes së informatës nga mbrojtja se nuk dëshiron që të parashtojë kurrfarë provash shtesë por se ai do t'i paraqesë vërejtjet për kualifikimin juridik të veprës penale gjatë fjalës përmbyllëse,

Pas dëgjimit të fjalëve përmbyllëse të palëve më 09 korrik 2014,

Pas këshillimit dhe votimit nga trupi gjykues më 09 korrik 2014,

Duke u mbështetur në nenin 366 paragrafi (1) të Kodit të Procedurës Penale të Kosovës (KPP) më 10 korrik 2014 në seancën publike dhe në prani të të akuzuarit, avokatit të tij mbrojtës dhe prokurorit shtetëror;

Nxjerr këtë:

AKTGJYKIM

I. I akuzuari Ž. V. është

FAJTOR

Sepse më 14 gusht 2010, Njësia Rajonale për Mbështetje Operacionale (ROSU) ka qenë duke e zbatuar një plan operacional të quajtur “_____” me qëllim të luftimit të kontrabandës ilegale të mallrave në veri të Kosovës.

Në një kohë të caktuar gjatë pasdites së vonshme para orës 19:00, në rrugën e Rudares mes Zveçanit dhe Mitrovicës, në afërsi të udhëkryqit të Manastirit të Skokolicës, dy policë në rroba civile e kanë ndaluar një auto-cisternë që shkonte në drejtim të Mitrovicës jugore me targa të regjistrimit _____. Shoferi i kamionit e ka pranuar se cisterna ishte e ngarkuar me naftë.

Destinacioni i ngarkesës në kamion ka qenë pompa e karburanteve _____, pronë e familjes së të akuzuarit dhe e udhëhequr nga vëllai i tij Z. V. për të cilin i akuzuari _____ ka punuar rregullisht.

Shoferi i kamionit nuk ka qenë në gjendje që të paraqesë kurrfarë dokumentesh në lidhje me mallin të cilin e transportonte. Shoferi i kamionit pastaj është urdhëruar nga policët që t'i përcjell

ata për në terminalin doganor në jug të Mitrovicës. Shoferi i kamionit ka shkuar te kamioni, ka hyrë në kabinë, por në vend se të ndizte motorin, ka kërcyer nga kamioni përmes derës së pasagjerit dhe ka ikur.

Në ndërkohë, një turmë ka filluar që të mbliidhet në rrugë kah drejtimi i Zveçanit në afërsi të zonës dhe serbët e Kosovës kanë filluar që të protestojnë kundër veprimeve të policëve shqiptarë të Kosovës. Në ndërkohë, rreth orës 19:00, pas kërkesës për asistencë, dy ekipe të ndara të uniformuara të policëve të ROSU-së kanë arritur në vendin e ngjarjes për t'i ndihmuar kolegët e tyre.

Palët e dëmtuara _____ A. T. dhe F. S., të veshur _____, janë vendosur në afërsi të pjesës së prapme të kamionit me qëllim të rregullimit të trafikut të qarkullonte, duke e ndaluar trafikun që vinte nga Zveçani.

Disa minuta pasi shoferi i kamionit ka ikur, dhe derisa policët A. T. dhe F. S. po qëndronin në mes të rrugës, një motoçikletë me katër rrota (kuad) ka ardhur nga drejtimi i Zveçanit dhe është afruar me dy persona në të. I akuzuari Ž. V. ka qenë _____ shoferi. Identiteti i pasagjerit mbetet i panjohur.

I akuzuari është urdhëruar nga _____ A. T. që të ndalet duke e ngritur dorën e tij sipër kokës me shuplakën të kthyer drejtë. Me të kuptuar se shoferi i motorit nuk po ndalej, _____ i ka dhënë shenjë shoferit që të ngadalësojë.

I akuzuari i cili qartë i ka parë shenjat dhe i cili ka qenë plotësisht i vetëdijshëm se është dashur që t'u përmbahet urdhrave të _____, përkundrazi ka vazhduar që të ngasë me të njëjtën shpejtësi në drejtim të _____ A. T. dhe F. S..

_____ A. T. dhe F. S. kanë mundur që të shmangin ndeshjen me mjetin që vinte duke lëvizur me shpejtësi anash. Kështu, motoçikleta ia ka dalë që të kalojë tutje.

Pasi ka vazhduar ngasjen për disa metra drejt Mitrovicës, i akuzuari ka bërë një gjysmërreth dhe është kthyer prapa duke iu afruar kamionit dhe ka pyetur për veprimet e policisë në lidhje me kamionin.

Disa çaste më vonë, i akuzuari është arrestuar pranë kabinës së kamionit, dhe kështu është penguar nga kryerja e veprimeve të tjera, ndërsa pasagjeri i motoçikletës ia ka dalë që të ikë.

I akuzuari ka vepruar me dashje me qëllim që të pengojë kamionin së bashku me mallin në të që të dërgohet në terminalin doganor në jug të Mitrovicës dhe për t'iu nënshtruar procedurave doganore. I akuzuari ka qenë i vetëdijshëm se kamioni ka qenë nën ndalim policor dhe se personat në drejtim të të cilëve ka ngarë motoçikletën kanë qenë _____ duke vepruar në atë cilësi. I akuzuari po ashtu ka qenë i vetëdijshëm se ngarkesa e kamionit ka qenë e destinuar për pompën e derivateve _____ dhe se kamioni ishte ndaluar nga policët shqiptarë të Kosovës.

I akuzuar ka pasur aftësi të plotë mendore.

Prandaj,

Gjykata e rikualifikon veprën penale të “Tentim Vrasjes së Rëndë” dhe

I akuzuari Ž. V. DËNOHET për kryerjen e veprës penale të tentimit për “Pengimin e personave zyrtarë në kryerjen e detyrës zyrtare” në kundërshtim me nenin 316 paragrafët (1), (3) dhe (4) të Kodit Penal të Kosovës (KPK), në përputhje me nenin 3 paragrafin (1) të Kodit Penal të Republikës së Kosovës – Ligji 04/L-082 (KPRK);

II. I akuzuari Ž. V. është

I PAFAJSHËM

Sepse nën rrethanat e përshkruar më sipër, i akuzuari më datë 14.8.2010 rreth orës 19:00 në rrugën mes Zveçanit dhe Mitrovicës, në afërsi të udhëkryqit të Manastirit të Sokolicës, ka ngarë një motoçikletë me katër rrota në drejtim të palëve të dëmtuara të cilët janë përpjekur për ta ndalur. Megjithatë, nuk është provuar përtej dyshimit të arsyeshëm se ai e ka përdorur mjetin e tij me dashje si armë vdekjeprurëse për t'i vrarë palët e dëmtuara apo se e ka shikuar mundësinë se për t'i goditur dhe ato dhe se mund të ishin vrarë si rezultat i këtij veprimi dhe ai është pajtuar me këtë.

Prandaj, i akuzuari Ž. V. LIROHET nga kryerja e veprës penale të “Tentim Vrasjes së Rëndë” në kundërshtim me nenin 147 paragrafin (1.10) në lidhje me nenin 20 të Kodit Penal të Kosovës (KPK), sipas nenit 364 paragrafi (1) nën-paragrafi (1.3) i KPK-së.

III. I akuzuari Ž. V.

DËNOHET

me **12 (dymbëdhjetë) muaj burg** në përputhje me nenin 38 paragrafin (1) dhe nenin 65 paragrafin (2) të KPK-së.

Koha e kaluar në paraburgim nga data 29 korrik 2013 deri më 28 shkurt 2014 dhe nën arrest shtëpiak nga data 28 shkurt 2014 deri më 20 qershor 2014 do të përfshihet në dënimin me burg sipas nenit 73 paragrafët (1) dhe (4) të KPK-së.

IV. I akuzuari do të paguajë 300 (treqind) euro në emër të shpenzimeve të procedurës penale, por lirohet nga detyra që të kompensojë shpenzimet tjera në përputhje me nenin 453 paragrafët (1) dhe (4) të KPP-së. I akuzuari duhet të paguajë shumën e urdhëruar jo më vonë se 30 (tridhjetë) ditë nga data kur ky Aktgjykim merr formën e prerë.

Gjykata Themelore e Mitrovicës

Nuno de Madureira

Roxana Comsa

Iva Niksic

Kryetar i trupit gjykues

Anëtar i trupit gjykues

Anëtar i trupit gjykues

Vera Manuello

Proces-mbajtës

MJET JURIDIK: I pandehuri, mbrojtësi ligjor i tij, prokurori ose i dëmtuari brenda 15 ditëve nga dorëzimi tek ta të këtij Aktgjykimi mund të paraqesin ankesë në bazë të neneve 380 paragrafi (1) dhe 381 paragrafi (1) të KPP-së. Çdo ankesë duhet të paraqitet në gjykatën e shkallës së parë, në bazë të nenit 388 paragrafi (1) të KPP-së.